

續修四庫全書

《續修四庫全書》編纂委員會編

續修四庫全書

上海古籍出版社

一五二九・集部・別集類

東洲草堂詩鈔三十卷 東洲草堂詩餘一卷（東洲草堂詩鈔卷十九至東洲草堂詩餘卷一）

〔清〕何紹基撰

東洲草堂文鈔二十卷

〔清〕何紹基撰

天游閣集五卷詩補一卷附錄一卷

〔清〕顧春撰

海秋詩集二十六卷

〔清〕湯鵬撰

三五

一三

三一

東洲艸堂詩鈔卷十九 丁巳下

道州 何紹基 子貞

沈小如丈津門拯溺圖哲孫似竹舍人士能屬題丁巳
平生不作守令官田閒生長知艱難乘輅所至遇水旱籌思未
忍作旁觀無緣親手自擘指轉益寤寐多悲酸昨晨步過長椿
院三千餘人飽粥飯都城外十八區計活人將五六萬同王
子懷到長椿寺看施粥略悉近日情況歸來展此拯溺圖水起倉卒無踟躕城鄉
窪陸靡不至千方百術應炮官之視民如骨肉痛苦豈有稍
遲需我試設身當此地並非奇節原常事痛定思痛存以圖先
生此言平且擊果持此念無改移常變經權惟一致君不見滇
黔吳楚未止戈橫流改道嗟黃河旱蝗南北幾千里兼以外患
來英俄大倉粟少帑金乏賑需軍餉難蹉跎

東洲艸堂詩鈔卷十九

聖主憂勤撫玉几大官密勿空斧柯視此一隅被水災為沴豈
止百倍過先生九京如可作為今之計當如何烏乎為今之計
當如何

七夕醉占

雙星偏照酒杯空五夜樓臺一笛風贏得滿懷惆悵在眼前都
是可憐蟲

題彭子嘉畫扇時值南齋

一叢幽篠一叢蘭采筆飛餘瑞露漙回首蓬山風月夜止應高
處最禁寒

題何通甫侍御供菊圖

有松有柏兼有竹奇石清泉市茅屋階前鶴意生疑猜几案精
嚴惟供菊此理非關詩老偏秋光止許黃花專精神色韻鍊愈

出風霜月露增其妍春明菊事首稱盛細種奇葩相角勝近年
培護殊少人吾宗善交能久敬笑余閒得苦吟身權為荷花作
主人近作澄懷園圖荷詩同人多和之未曾見菊朝朝醉不藉柴桑漉酒巾

題吳子珍待堂詩艸

客去庭閒酒細傾新詩靜對一鐙橫孤絃瘦管蒼涼韻敲斷秋
堂夜雨聲

畫蘭

幽蘭生性無常格非葉非花古籀書頗欲出奇錢鄭外盡情揮
灑看何如

詩舫手蘭一枝屬畫

如此秀色何從畫得暖交醉餘偶然落墨
十五夜月佳走邀詩舫已早睡矣獨至龍樹庵失月得

東洲艸堂詩鈔卷十九

雨走筆戲東

龍樹庵中鐙影微酒懷消得馬蹏飛山人高臥應相笑看月人
偏逐雨歸

題孫駕航閣讀劒門秋色圖

三年蜀道走超遙看徧奇山兩鬢凋今日披圖逢劒閣喜君持
節上秋霄高雲近接詩懷澹削壁長餘霸氣驕嶢絕峩眉能避
客讓余荒句狀岩峩我眉與驛路遠典試督學皆不獲至

七月十九日夜過法華山人小飲知於前夕得弟六郎

悶不令人知也小詩戲賀
朝朝邛杖款怡園錦幄芳稠笑語繁今日簾櫳偏靜悄夜來風
月苗蘭蓀

荷花褪後桂花遲開到璇閣碧玉枝究竟才人能繡藉老年生

子怕人知

迴憶梅香綺閣催冬心噓足隔年胎髯卿風雪趨

朝暇儘有工夫種玉來

詩吟茅茨寢微蘭叩叩香盟昵枕檀列屋修蛾清似水得雄爭

聽愷歌歡

最續人推京兆黃綱維還得畫眉張兩家雛鳳聲應一月齊

聞誕六郎壽臣於前月廿五日得第六子

李氏年家小丙辰丈人八十四齡春明朝五老城南會應笑詩

翁強效筆李模國丈八十四歲生兒與乃兄瞻園同年有大小丙辰之稱詩翁明日赴五老會模丈居首

愈唯成行聚若仙瑤林花實晚逾鮮樽前緩案生惆悵不聽曉

嬰二十年

析薪負荷等諸昆舊硯藏書老瓦盆三泖漁莊歸權緩一家兒

女自成村詩翁有來歲南歸之說

題程春霆生人玉門圖

萬緒升沈事相看餐雪侵詩情關月苦畫理佛雲淡別思生秋

扇幽懷入夜琴南游吾有願且莫悵分襟君寓廣惠寺余屢過從談畫

李樸園丈人以賀詩船少宰得子詩見示次韻奉和

熙朝人瑞紛綸紀多少家禎不登吏理由積善方致祥事有殊

常乃堪喜多男多壽勢不兼欲專其福心非安天機所至不可

茹淡山巨壑紛芝蘭法華山人夜生子嘵聲隔巷兒童指漫云

湯餅各相邀兩度香醅吾醉矣模園丈人多道力視明聽聰健

行立八十五歲顏尙孩添籌定許百千億傳說去年猶弄璋雅

化豈因黃與張戲用詩船語正復祕默不自炫忝附年家聞得詳兩

家韻事真相類兩翁日買城南醉耄耄相念鳩杖扶閨闈任結

齋斯會我今餐雪已星星笠屐追隨過野亭從公乞取養生訣

不期種子期延齡

晨過詩船寓齋久坐不見一人而返戲東

南鄰主人眠未起先過走向東鄰覓栖止堂堂京兆侍郎家果

有臣門清似水園花開得瘦餘枝百篋藏書四壁詩有客固佳

無亦好想見先生復食時

七月廿九日葉潤臣招同晁星眉汪仲穆朱伯韓王霞

舉楊汀鷺李于衡拜王伯厚先生生日分韻得得字

有宋祥開星聚奎吾鄉元公圖太極程張援武各漢造至朱陸

呂鼎足立厚齋師法兼三家博綜羣言根矩植學期有用異浮

藻敢以詞科相貶抑疏詞侃侃折癘炎鉅眼棱棱識信國君不

見四明學術東南開本自淡甯樹堂閩果齋東發互脣齒梅礪

東洲堂詩鈔卷十九

刻源勤羽翼縣延文獻有端緒直到謝山彌健特黎洲學案補

宋元先公關幽真有力門下明經獲軒姿助我蒐稽付丹墨諸案敘例中

燭光德容來拜端居色難得詩家葉舍人介雅招朋見矜式秋

堂彝鼎古香多兩瓠敬酌先生側余因事先去主先生有弟同

日生亦起詞科膺學職無端動我脊合感老淚闌干收不得于毅與余學生別去十九年矣

題畫蘭扇

一叢在石上一叢在石下芳臭不差池空山相慰藉

詩船誇我畫好枉膽能大近日稍用功見紙心先怕

溫馨半朵石瀟灑一叢蘭雨靜風恬候雖幽不覺寒

莫訝花苞少無絃始有琴聞人不許看看久損花心

范雲吉比部招同朱伯韓王少鶴李眉生趙元鵠李六榕朱眉君宴集顧祠分韻得兩字

慈仁古寺少塵埃創立顧祠備瞻仰十五年來世故多幸未荒涼歸莽蒼今年屢從祠下醉古井摩挲字印掌豈忘蒿目向瘡痍聊藉閒身供僑寓炎風畏景才幾日颯颯園林動秋響古佛應憐僧飯苦一任聲聲敲夢杖正殿前打寒蟬入夜鳴轉悲仰看星光自搖盪范君攜樽意何厚冷客尋秋到方丈竹籬以內如溪山城市之閒成野賞英多蜀士榮珠玉媿我三年秉英蕩相逢直諒雜嬉諧未免昂藏生慨慷難得諸君不相棄勸酒索書互撓獎諸君抱才皆不羈詩名官職要兼兩老夫酒醒別懷生膠落明湖雙書檠

題周允臣文俞廟堂碑閣中城武二本

東洲草堂詩鈔卷十九

五

覃谿論書以永興接山陰正傳此說非也永興書敍側取勢宋以後楷法之失實作俑於永興試以智師千文與廟堂碑對看格局筆法一端嚴一逋雋消息所判明眼人自當辨之因其氣味不惡又爲文皇當日所特賞遂得名重後世若論正法眼藏豈惟不能並軌歐顏卽褚薛亦尙勝之余雖久持此論而自覃谿春湖兩先生表彰廟堂致學者翕然從之皆成榮吝道之癖余不能奪也允臣世兄酷嗜余書一日得廟堂古拓欣然持示且云近日方肆力習之其帖果佳然翁季之說余不敢附會也適允臣屬書小卷輒走筆吐所欲言竝占小詩奉祭幸祕之勿令他人見也

真行原白隸分波根巨還求篆籀蟬豎直橫平生變化未須敵

側效虞戈

爲葉笙林恩蘭畫蘭

窠石蟠根遠幽花得氣腴夜來清露重朵朵盡含珠

爲子倩畫蘭扇忘卻點花心醒後題句

月似秋來扇天橫醉後參不妨花出手可惜太無心

爲賀儀仲畫蘭

石無定形花無定態寫汝離披由我自在

寄題丁儉卿新獲嘉祐二體石經冊

丁儉卿舍人兄新得宋嘉祐二體石經三百七十餘紙爲易書詩春秋禮記周禮孟子七經玉海等書述汴石經不言有孟子表章亞聖自此刻始是足補史志之闕吳山夫嘗見四冊於吳門薄自崑家乃尙書周禮禮記

東洲草堂詩鈔卷十九

六

孟子山夫自得五碑止有易書周禮顧亭林朱竹垞皆謂汴經久佚拓本之富未有如今日所得者既黏綴爲四大冊有重出者卅餘片另爲一冊寄京師付賢郎顧伯兄弟頤伯來飲余齋持冊丐題余因憶祥符陳畱兩處二體石經余皆曾尋獲摩賞行路愚恩未及詳討不知汴中湮匿者尙有幾碑亭林竹垞謂其全佚者非也太宗表章說文仁宗特刻二體石經右文稽古前代所無而有宋一朝篆學荒蕪特甚深可慨歎酒後縱筆成詩奉東儉老俟南游時詣六菴堂當獲飽觀使訂也昔年南北隨計吏訪古尋碑劇閒恣祥符陳畱兩縣學諦觀二體石經字當時單車急馳走羶蠟無緣自攜致數紙雖從帖頁收末由手拓窮精緻三十年來成老癯百事荒涼從棄置今宵

忽枉故人子翠墨持示而翁寄三百七十有餘幅得自淮安
 書肆易書詩禮春秋經附庸孟子七經萃諦惟宣聖定六經古
 文特秉周公制中興籀史屏不錄魯國儒書賴弗墜臣斯敢以
 秦革周倉雅茫茫委荒窮慘到焚書萬古無三代斯文真墜地
 桃源俎豆無處問孔壁金絲定餘幾何怪中郎校石經止寫八
 分不求備先時浚長正六書博采通人理羣類上通古籀成大
 宗李相秦文多割棄秦刻石多與許書不合知叔重黃初三體
 果嗜奇本邯鄲純及衛觀惜哉入石止兩經凡船科文相雜廁
 昭陵蘭紙寶俗書開成石壁辭同異雖然事有本末歧要知俱
 遠篆分意後蜀刊石兼傳注翔實一更并代例莫歎閨位孟知
 祥賢哉僕射毋昭裔右文崛起宋雍熙應時果有徐常侍遠從

東洲艸堂詩鈔卷十九

祭酒緇遺緒特斥陽冰出新義傳及仁廟崇正學首重篆文真
 楷配七經明列膠庠二體森森標職志無如講義忽鬱興坐
 使奇文墮幽閣歐蘇文筆騁雄駿周程學術真淵粹不聞論據
 到石經神物嗟從何處避許氏遺書幸已傳徐家繫傳孤行世
 茲經寥闕少人窺豈待渡江落胡騎打本都如鳳羽稀貞珉那
 免牛負礪先生微尙在高密瘁掌鏤心擘六藝精誠所感經有
 神祕奧來逢天所賜零瓊碎璧不肖舍緘付賢郎勒誨示賢郎
 懃懃敬父執手編來破蠅翁醉蠅翁經奮久不鋤粗識蠅扁迷
 次第舊學溫尋四十年靈光想象三千歲四目靈光其箕云雲
 與於焉即此冊中篆書其作其云觸手掀掌古芬賦頗望時髦
 略識字休競詞華忘典記幾時去泊淮浦舟與君細剪寒鐙穗
 金石重揆錢阮遺觚彝遠索商周遂江上烽煙當漸息中天日

月還重觀古篆不毀聖不舛禮樂可興經可繼莫驚此語迂且
 夸請讀山陽丁氏新裝巨冊四

題吳蓮芬棧雲圖

上自金牛下魚復五度蠶叢馬蹶熟江山銷得使君才別後詩
 懷惟戀蜀我今去蜀將兩年棧欄舊驕偶一牽鬢髮飄蕭腰脊
 嬾不思棧閣思吳船

題練川名人畫象冊為程穉衡祖慶作

古味填胸筆有神畫師何必定前身但懷恭敬如相接便覺鉤
 摹到個真良學亭陰森柏石應奎山勢象星辰年來靜影緇塵
 裏有須尋常行路人

吳子肅子迪兄弟屬題宋拓蜀石經周禮經注共六千
 五百餘字為冊廿二葉公羊傳並注其五千一百餘字

東洲艸堂詩鈔卷十九

為冊十九葉周禮孟氏刻公羊傳宋補刻也賢昆玉攷
 訂同異甚核為作詩得四十韻

西京反秦敝文翁實守蜀本其春秋學期變蠻夷俗師法推相
 如開敏首張叔受業往京師還歸化邦族東京得高朕禮殿成
 都矗刻畫古聖賢震竦羣耳目熹平正文字勒石代秦竹觀經
 閣咽時蜀士定追逐正始與開成相沿富鑄錄孟氏擅劍南閨
 位時已促居然九經刊蔚成文教郁翔實兼傳注用意越前躡
 讀書不求解還珠空買櫝皇祐復補蔡十二部斯足俯視嘉祐
 年先樹尊經鵠烏乎金宋交岷峨兵燹酷遂使貞珉淪盡付茂
 艸鞠打本偶流傳如雪瓊碎玉程梁肅及鄭氏允世古味皆可
 掬惟有青陽吳翠墨尤芬馥周官高密注公羊劭公讀萬一千
 餘字八十有餘幅秋齋短鐙榮連枝迪隨肅精心校同異古義

紛攢簇前賢錢阮王未免輕點黷比者二體經堆塞丁家星自
崑不全見山夫所未蓄山陽丁儉卿新得嘉祐石經作詩無十
日今夜吟聲續雖非吾手藏誰謂非眼福昔年秉使節濫忝蜀
學督江山孕奇才英多少實腹教以研經法微言討費伏示以
沈長書形聲追頡頏風尚乃一變由華漸求樸異哉張秀才寫
賦小篆縛巴縣張鳳藻難得孫家兒瓶水眾經熟雙流縣孫道南十
熱其餘經解場頗棄陳言宿自與諸生別歲華重轉轂江湖浩
無垠鉛槧老彌篤古墨勤撫掌舊膠乍振綱彼土無烽煙土氣
舒不覺想見讀書聲琅琅錦水曲

題楊忠烈公尺牘家書卷

應山楊忠烈公以天啟五年乙丑七月以詔獄越九年
癸酉爲崇禎六年公子之易收錄遺文經鄭鄖游士任

東洲草堂詩鈔卷十九

九

先後編訂付梓是爲初刻至我

朝道光十四年甲午八世孫博平合祖憲重付手民蓋距
公之歿二百十年文集十卷整比如新信鬼神呵護之
靈而後世矜式景仰者之幸也茲卷中尺牘兩番皆不
載於文集賸簡往來固不盡存稿且璫禍方烈多從毀
削然使得而讀之者又拾奇珍於尋常耳目之外其悲
且快何如乎兩札中推重甚至有勉作神仙及子房
赤松等語與集中致王軒錄書相近是皆與軒錄札矣
古未有不塵視軒冕而能甘蹈艱危者顏魯公好道家
言忠烈其同此微尚乎最後一紙乃獄中臨危寄子書
與集中互有詳略蓋恐歿後爲璫黨所棄匿故一再書
之致有參差其鎮定周密臨危不亂如此而不意其兩

存也咸豐丁巳秋八月十九日余晨過虎坊橋湖廣會
館於校頭見公文集涼風颯然靜無塵軌綽略閱覽
過檀子橋至松筠庵坐諫艸堂茶話心泉上人忽出此
卷相示一日兩逢不勝感異諫艸堂者余所篆心泉昔
年刻楊忠愍公疏稿嵌石於壁處也忠烈此迹理宜並
壽心泉雖逃白業而欽重前賢爲朝紳所罕逮貞珉之
勒其有意乎吾願襄事焉既爲篆其卷首復詩以聲之
朝讀忠烈集暮見忠烈字使我心骨驚疑有英靈寄壁上効奸
奏卷中被逮書忠肝正氣合互峙筆嵩如雅尚託神仙同心狎
雲水脫屣富貴中致身湯火裏絕筆謝親友蓋示夏與駢完得
一身事心竝三忠懸烏乎兩楊公遺墨來先後幾時付芝鶴同
堂壽珉玖詔獄血影石柴市典刑刀見者不敢玩矧此親揮毫

東洲草堂詩鈔卷十九

十

自古有貞臣不盡工藻翰鬱鬱松筠庵星光騰夜半

偶學畫蘭人多匿笑詩船先生獨誇之一日醉後忽若
有悟竝題四句

學畫蘭花不到家無端字裏盡蘭花今宵走虺奔蛇筆竄入幽
叢亂發芽

中秋後八日自澄懷園歸題程穉蘅觀荷圖

記得仙園對舉觴看花人比鷺鷥涼秋風卷盡紅雲影催出谿
坳老桂香

壽陽相國招同張詩船少宰陳子鶴大寇宴集慈仁寺

出長夏勘書圖命題小詩呈教

艸堂小秀野華市下斜街此昔年公自占句涼院雙藤合奇書
萬軸排雲煙看世事風雨記吾齋此公所居四眼井屋先文安公

也難得清尊滿論詩四交偕

題鄭氏世允藏蜀石經左傳殘本

孟蜀所刻石經孝經論語爾雅張德到書周易楊鈞孫逢吉書尚書周德貞書周禮孫朋吉書毛詩禮記儀禮張紹文書惟左傳不題書者姓名晁公武所述如此此冊弟十五卷起襄公十年至十五年卷末注出經七千九十三字注五千二十四字字有歐法古味殊勝秋來見青陽吳氏蜀石經周禮公羊傳各一冊又見山陽丁氏嘉祐二體石經四巨冊皆為作詩今復觀此墨緣駢萃目不給賞漫占一絕

書律森嚴近萃更卷終字數見專精如何不著誰人筆輪與張楊後世名

東洲艸堂詩鈔卷十九

重九前一日張詩船招同程穉蘅飲於江亭

老舡懷抱類通仙破例登高亦占先落日寒窺三客影蘆花倒映萬鴉天古亭尚憶奔蛇筆舊亭有王孟津書大字扁佳會難忘宴曉年十年前余與許信臣宴客於此太常仙聽到晚鐘歸路緩情高亞佛雲圓

九日徐壽蘅招同曹薌谿鄒雲陔陸詹生龐寶生蕭薌泉李簞仙江亭宴集薌谿即席作畫余口占一律

西風款款拂霜髯排日登高韻事添前一日詩船少寒水澹搖叢葦外夕陽紅露晚山尖狂招勝友聯詩壘香妬名花隔畫簾尺五城南生別思青衫拚得酒痕沾

題胡扶山所藏魯公帖

此帖中祭伯文祭姪文爭坐位三稿皆魯木覆刻本而

魄力氣韻始卜真蹟一等古人刻木且倍勝於後代之刻石況貞珉妙斷乎清遠道士詩及繼作蓋是贗鼎忠義堂亦收之理不可解帖為孫退谷硯山齋故物流轉至扶山同年處余於丁巳杪春由歷下至都距扶山寓廬僅數十武一握手外即縱談古今書勢互證兩人別後八法進境因手此帖屬題余攜置按頭未及加墨扶山忽以無疾終余不覺失聲幸乃郎義質義贊皆能讀楹書守庭誥此帖當為光山胡氏子子孫孫永寶矣翠墨流傳退谷珍魯公哀怒見精神秋紅山館談書罷一笑君先作古人

詩船惠畫江亭晚眺扇面竝和拙詩疊韻奉謝

倚馬飛來句已仙超遙墨戲更無前醉餘月下三人影畫出城

東洲艸堂詩鈔卷十九

南十里天勝地回思成古籟談及嘉慶年間佳游重展是何年欲知蟻窻真情種團扇淡秋到處圓詩翁常謂余為情種霜候以來推鄒人未捐團扇耳

葉潤臣見示子產碑殘字字僅三十餘分書瘦逸有叔節景完風味因憶道光初元余應試南旋過朱曲謁國大夫祠左右墀木金水火四星木星白鬚鬚額臚蓋子皮金星美秀蓋子太叔水火兩星蓋碑謚子羽也祠中無古碑記不知新鄭祠宇何似朱曲屬洧川其有祠者蓋因乘輿濟人故

碣蒐新鄭佚唐隸得方妍文露古清字題畱天寶年回思朱曲廟列侍四星躔冷卻尋碑眼來晨渡洧川

陳子鶴屬題董書詩幅

書畫一理耳余昔年題畫詩有云思翁微尚祖迂安壯

年持節乘楚輅洞庭以南入屏障此後骨潤神姿饒至今華亭舊轡出半自楚雨官鋒敲今此幅乃受事長沙試筆書然則謂香光書律亦得韻於瀟湘可矣校頭無容臺集此詩不審即其自作否子鶴屬爲題語兼贊此詩音節之妙不僅開門埽地桐花裏等舊語也余論詩最重音節而解此意者殊少子鶴忽譚及此大愜鄙懷附筆記之兼占小詩

瀟湘淡處劇清華醞釀詩家書畫家今古不磨山水理華亭未負到長沙

達理上人屬題蔣廉畫乳虎

乳子嬉游荒谷中雖然不嘯也生風山君自有慈悲性慎重將軍飲羽弓

東洲艸堂詩鈔卷十九

十三

題張文敏折臂詩冊爲詩船作

書家八法兼聖智前須有承後可繼天瓶上接董蘇顏一代正宗無與二蟻封落馬驚折枝冰羊奇術逢國醫後來眞手轉精詣出自

聖心勤護持

君臣遇合豈云偶股肱颺拜歸

元首遺墨流傳酬交篇詩係酬南華宮舊神明章徹承

恩厚於今少宰縣家風像拜三朝文敏公壁間懸三丈敏公像謂趙董及天瓶也

巾箱祕簡殷勤付詩船見贈巾箱帖皆天瓶評跋開帖碎語慙媿西鄰蟻臂翁音習書使蜀時自署蟻臂翁作詩示諸生和者甚眾

爲白蘭巖畫蘭扇

蘭巖索我畫書詩信手拈來三得之記取東華風雪夜圍鑪開

有慰相思

鮑子年世兄同年屬題唐善業泥造象拓本即書蔣子

蕭同年詩後壬子仲冬過西安向與子蕭同登雁塔也

眞如妙色本來空騰得撫傳字體工破瓦殘甎流轉盡佛雲高

映夕陽紅

高僧一傳補纔完文字還同善業看雁塔偕游今轉瞬可憐遺

墨幾曾乾子蕭嘗補作元英傳

題十八學士圖卷

登瀛妙選應昌期賢相名儒悉萃斯卻憶舊游增古思昭陵風

雪訪碑時昭陵訪碑乙卯冬日事也於舊圖志多有訂正

九月廿一日漫河題壁即寄阜城袁大令文陸

偷閒暫作水雲思慚媿賢侯賦縈維一卷吟唔茅屋底依然當

東洲艸堂詩鈔卷十九

十四

日計偕時

奉懷張詩船少宰

山人蟻妄鎮追隨巷隔雞飛步履宜幽事半年成畫稿閒園無

日不花枝菊猶鶴舫耆英會棠棣秋風送客時歸吃誰華無別

物奚囊滿載老船詩十六日詩船於鶴舫作五老會余半席別去矣

九月廿六日由都門歸歷下雨船中丞於前數日閱兵

出省小詩奉懷昨於菱香處見途中近作甚稱紅葉之

麗竝羨幽人之飽看山色故詩語及之

荷花綻我春明住公來進職花前晤炎天跌宕生清風

晝接便蕃多湛露黃花時節歸舊廬值公閱武臨青徐千郁氣

肅登秋後幾卷詩成按部餘淡紅淺紺霜葉美老去才華爛如

此絳何秉憲節樓高卻羨閉門山色裏蓬萊閣下駐旌麾好續

東坡海市詩蕩搖浮世定何語幸剖微言一示之

九月廿六日還濟南廿八日偕吳竹愉方伯黃笠衫觀
察童際庭大令游佛峪龍洞陳弼夫署臬沈友竹觀察
皆先諾因有事不至即事成九言詩一章

都門驅車十日至歷下衣上溼泥乾土猶重重同人招游龍洞
與佛峪霜氣如雪正把千山封佛峪之佛化身千萬億朝陽照
出寶髻金光客翩然別佛直走洞前寺傳說上古洞底棲真龍
厥性變化乃靜且者睡怕聽山中暮鼓兼晨鐘一旦飛天蛇化
遊形迹洞勢曲折尙肖潛蟠蹤精靈伏此萬古不忍去年年禱
雨澤晉東山農洞門入出凸凹幾千步嗟我老嫗忘卻邛州笻
但見石壁古寒立凜冽又聽懸泉幽響鳴潄淙高天厚地盡作
凍黎色樵夫牧子都抱冰雪胸憶昔弟兄騎馬風雨走狂吟浪

東洲艸堂詩鈔卷十九

十五

醉蹴躡仙橋鬆三十五年前事如過鳥今日老衲喜我足音登
霍山居士苦說嶠岳秀我曾訪石牛洞緣難逢笠翁問我太華
何景象我曾笑躡萬朵青芙蓉歷山宰官攜樽宵醉客夕陽墜
嶺輪我醅顏濃塵脚一放何暇問歸路城東二客瑟縮不能從
十月十七日姪女香雲出閣寄詩送之枕上成此兩淚
泫泫矣人老愈慈無如何也

春明逾半載家居猶客耳賴汝姊弟羣依戀博歡喜如何吉期
至翩然治行李情事今昔殊勢有不得已女兒狂矜下嬌癡誰
譽毀出門爲人婦乃是成人始莊恭攝容儀愛敬奉甘旨小心
事翁姑和氣處娣姒內則及女誠千載豈殊軌吾於京兆衙屢
接黃氏子愛其篤性情但罕究經史勸學汝之責幸自解文理
自我來山東揮手忽千里蒼寒龍洞月渺莽明湖水寄詩爲壓

陸涉筆淚滴紙最憐韶女慈日日念六姊

雨舫中丞賜和拙詩兼和坡公海市篇見東奉荅兩篇
詩人之識靡不空泰山化入秋毫中詩人之才無不有一彈指
現瓊瑤宮怪公刻畫到霜葉要將染續分天工五蓮雙勞本一
氣直赴東海如奔龍正好奇游構妙理全收昔遁傲翁如何
舍去不一顧徑與海若論雌雄我思樓閣城市世上景滄溟所
乏非爲窮假借人閒作奇幻無乃滯相難銷融況聞漁神接浩
淼懸烏菟色萬靈鍾本自初天混空有胃與浮世爭膏豐道人
語我生滅性塵鏡漸露新磨銅還將蠶兒重叩請大言靜聽決
洪風

吾生往事過眼空三四十十年真夢中回思冠歲侍蛺節學造險
語投鮫宮道光癸未隨侍先公登蓬萊閣有觀海詩於今望洋已卻走自甘老嫗難

東洲艸堂詩鈔卷十九

十六

求工先生卓然道戰勝詩力如虎書如龍豈惟驚走釣鼈客正
宜游戲狎鷗翁噫余輩下久雷滯紛紛壇坫連羣雄江河賦滄
各異量工拙何問通與窮名篇疊枉珠玉贈性光果與文章融
癡孫索看強解事扶床作賦憐阿鍾大孫鍾曾作賦頗有奇氣尋梅漸作歲
寒計盼雪又祝來年豐謬期陶鑄到多士自媿鈍劣如頑銅袞
衣歸來定何日輶軒采徧三齊風

斜川八詠次韻奉和

十一日走訪牛仲遠新居適主人它出次日見示小小
天心時事屬艱難笠屐隨緣不易安笑我行蹤成汗漫煙波無
處著漁竿
記得春風弄剪刀老夫游興尙能豪霜寒收盡明湖舫無數荒
洲半段篙

沙邊隱隱露平臺
倦瞰全湖亦快哉
結構是誰新粉本
趁閒隨意打門來

應門知是故人家
幾曲通幽徑不斜
信手推窗鷗鷺起
夕陽如雪滿蘆花

沿湖絕少野人廬
比似江鄉景不如
難得新居生面出
也教婦子識樵漁

幽琴老鶴伴相羊
抱却真堪世味忘
卻怪主人能澹泊
尚貪街市酒杯忙

高歌痛飲其娛嬉
憶否春明跌宕時
何苦老來誇識字
滿牆黏得友朋詩

我尚風塵苦縛纏
何時歸泛五湖天
幾閒茆屋能臨水
不羨平泉及輞川

東洲艸堂詩鈔卷十九 十七

中丞於十二日得見海市作詩寄示奉和二篇
課虛叩寂妙寫空
令我身入三山中
豈但詩懷接坡老
直括畫理超南宮

纖微人物入行幃
壯麗樓閣疑鬼工
烏乎幻相豈真境
千載求仙悲祖龍

沿波滋蔓蓋未已
青蓮尚狎丹邱翁
韓蘇二子信奇傑
文章乃以道力雄

衡山開雲海湧市
正氣欲使精靈窮
語鈴道人一不物
物破除妄見中

邊融淡心要向民
物盡幽抱向於文字
鍾再撫東邦將十
載前在道光咸豐
七年十月按部出
問俗鑄詩如冶銅
觀兵海上海市見
憑闌詠嘯來天風

秦皇求仙處皆有
海市方士所藉以
欺人者三十五年
詩應空舊句久墮
渺莽中蓬萊閣下
訪翠墨蘇軾遙遙
商應宮喧傳海市
我坐誤報海市因
坐客久不去竟未
往觀枉以藻績勞
天工蜀游曾上大
峨頂昆侖西來氣
如龍佛光聖

證同日觀奇觀上
傲眉山翁其餘游
蹤仿佛似吳越幽
異秦粵雄竭來投
閒抱愈縱日務造
險接無窮誰期笠
杖易陷滯卻緣烽
燧難銷融道人特
膺量寄重流觀山
海猶情鍾矧余落
落難仕隱未免區
區量寄豐公乎早
歸企嘉晤願隨竹
馬聽鉦銅甚憶阿
連想南去歲晏江
湖多雪風于西弟
書來約

謝芝香餽冬筍廿二日醉後作五用坡韻
夜夜自飲樽不空
兒孫環侍時復中
寒齋未足有常酌
厚味又恐凝中宮

可憐纍下費籌度
貴從澹泊求精工
冬來鄉味入膠腴
淡林老獐胎雛龍
北方無此好頭爵
往往笑倒百歲翁
不從餽腹問飢飽
畱與候管分雌雄

去年屢枉故人贈
旅食真忘吾道窮
今年上番復見餉
塵甑乍令寒色融
故山翩然落雙箸
老饕一笑傾千鍾
醉餘看天默有祝
雪花快與兆年豐
長安得此大不易
數錢况復艱青銅
分甘何緣到子季
征雁破霜鳴朔風

在都時聞于愚云去年都中未見冬筍又方錫鑲紫也

東洲艸堂詩鈔卷十九 十八

畱別城南居六用坡韻
吾廬雖僻幸不空
菊花環繞吾居中
偶然一醉便頽放
自詫立壁如雕宮

皋比漫狂推獎力
朽木甚慙鑄鏤工
回思此屋一載住
艸艸頗亦安茆龍
比鄰還往冷又熱
窮年唱和孫隨翁
未免栗肉煩魯繆
幾曾廬宅如楊雄

偶吟寒句當真字
縱有奇文難送窮
明朝忽將舍汝去
桑下之戀何能融
丁香春敷錦繡纈
石櫛夏豐琥珀鍾
雖然霜候一掃盡
儉歲豈免恩年豐
街頭真酒僕攜甕
門口賣樵兒叩銅
卽茲琅琅政自好
它年誰采城南風

廿五日移入濠源書院作七用坡韻

西屋櫺比東院空
五方規合難求中
我來增櫺值冬令
何仿雪

東洲艸堂詩鈔 卷一九

九

堂沾雪宮平生心閒意散蕩萬事求有不務工矧茲宦游歎司
馬那復豪氣傾元龍幸遇賢勞歷山幸謂重使余漸媿田舍翁
卽論田舍政不易牛羊牝牡雞雌雄偶然偷嬾不省錄動致臨
時多鞠窮書過五車文史足酒釐十缸香色融一百軸畫古芬
膩五十盆花秋豔鍾廿年史官清俸餘官外之味詎不豐塵勞
三日暫可憩靜聽高衙鑿漏銅由它屋子暫塞破丈席讀書吟
古風書院題攝署甚近東院屋下
尚未畢工吾齋頗嫌偏仄

六日酉刻
中丞離縣寄來論詩詩過獎拙作八用坡韻奉迓時廿

梭梭寒威塞高空嘉晤喜在旦夕中翩然飛示海上作明珠來
自蓬萊宮咀道乃得無味味匠物已到不工工埽空驅黃有名
馬全露首尾非真龍烏乎此意悟者少詞壇掉臂稱詩翁豈知

東洲堂詩鈔卷十九 十九

日章要先闔不能守雌焉得雄才華後起常易竭性情有本斯
無窮性情潛伏潛始出見仁見智相照融語言文字叩自鳴有
如萬事根黃鍾我好作詩不論詩恐令聞者其部豐亦願先生
重緘祕洛鐘自應銅山銅綺語變滅非變滅超遙誰接鬚仙風

廿七日晨起得中丞鄒平寄詩以余思爲浙游懇款留
行九用坡韻奉迓聞今日午刻可回省署

自公之出城若空日盼旌麾風雪中忽聞東關迎大府婦孺歡
走喧囂宮豈知公意大涵孕文章政事須同工請看前後和坡
作百紙一氣常山龍想見肩輿搖兀自敲韻吟聲驚起村塾翁
我雖韓孟共追逐難比齊秦爭長雄賴有相思古意厚預愁見
面詩心窮良朋將至筆花舞昨夜凍墨今晨融艸堂新築事將
了梅根隔年春已鍾回思兩載三會台天公恐妬斯緣豐先擬

松醪快傾玉用來占管當吹銅規作南游益未決年來行
止如飄風

奉別余菱菴

從古詩人貴性真菱菴吾許作詩人艱遲雋句如接寶灑落清
談類飲醇此夜相思茅店月來年共醉艸堂春公家文字多如
米輸卻江湖浩蕩身

同兵

才力本無用何事合當兵當兵止充食何苦台出征出征二三
年領餉囊豪盈疲茶例淘汰次第歸原營居然好身手到處恣
橫行攫食不給錢揮刀能折營村中雞與犬逃匿失飛鳴後來
帶兵官高車紅頂纓防勦不得力入告許回京供張擾州縣護
送累耕岷一住或連日催行仍半程張目索規矩摘瑕到庖烹

東洲堂詩鈔卷十九 二十

非無強項吏惟恐事端萌一番又一番前送後須迎自我出濟
南陰寒天不晴昨日張夏驛今夜泰安城驅車無住處瑟縮暗
吞聲吞聲爲何事惻惻悲羣生蒼天不悔禍充類難僕更楚粵
皖豫吳何時埽機槍

憶子敬子愚兩弟

游蹤漫笑老來顛頗喜看山得福偏半世升沈都不計於今去
住更隨緣家書幸可通南北詩牋仍愁滯越燕回首春明別予
季一鞭又指五湖天

望岱雪意甚厚

巖巖古岱宗凍作大雪魄橫互數百里直上千萬尺仰迓高天
雲倪凝厚地脈涵噓四瀆水氣候百州麥幾日破沈陰天下望
膏澤

數陽旅店主人梁安迎客曰三天住此矣喜贈一律

岱色回頭已渺茫驅車魯道問數陽迎門乍喜軒庭熟舊扇猶

存水墨香去夏曾求書扇去住竟成桑下戀炎涼都向酒邊忘相期新

歲春風動燕子飛來識畫梁

李仲衡招同嵇春原彭雪嶠牛仲遠爲消寒雅集初九

日初集於仲遠小小斜川余適於初八日南行十一日

數陽值雪小詩奉懷

濟南名士今不多賴有數子窮吟哦龍洞楓林盡凋落明湖衰

柳餘婆娑種蘅詞人倚此久泊聲無術止耽酒兩耳不聞雷鼓

鳴終年尋詩街上走無端雅興要消寒約客不約當道官樂得

夸張真率會由它嘲笑腐儒餐畫諾到余無可謝說不能詩恐

遭罵斜川昨夜正開樽薄笨南游先命駕今晨汶水風蕭蕭馬

東州艸堂詩鈔卷十九

二十一

踟躕飛瓊瑤大雪百里眞汗漫諸山一夜失蒼靄想見羣公

恣吟嘯念我獨游成闌寥豈知荒店景尤異使沽村釀勤相澆

旣然得雪竝得酒縱使有寒何不消烏乎卽令得雪不得酒縱

使有寒何必消

半城五鼓聞有兩江江蘇摺弁艸兩絕句寄懷何根雲

趙靜山

茅店荒寒客廬回忽聞驛騎出燕臺江南野水添多少客得閒

鷗浩蕩來根雲制軍

雁使何曾尺素稀六年回首悵睽違梅花官閣開應滿不覺心

隨去馬飛靜山撫部

有馬不飲沂州水

有馬初長成健步輕百里南行復北馳不飲沂州水秦岱泉源

多大者汶與沂吾生老行役幾曾別種種同源豈殊味蓋遠最
初氣水固不自知人亦混胸臆馬之智有人不如何況馬中驂
下數龍非大海不得息鳳非竹實不食食烏乎本性實使然造
物於茲有偏特

郟城

驛路郟城接衙選饑荒盜賊事相連今年歲熟行人樂山芋斤

才箇半錢

旅眠惟有一燈親霜氣腥來牀未勻隔幾層棉寒浸骨靜知同

氣是天人

王營夜雨

連朝霜色爛如銀昨夜嚴寒氣乍馴伴客一燈茅屋煩雨聲偷

盡隔年春

東州艸堂詩鈔卷十九

二十一

十八日當是消寒第二集小詩寄濟南

荒園敲韻有餘愁愛近基枰怕酒壘料得畏寒頻袖手且將佳

茗讓人貪好春好春

臨池不厭墨豬肥可惜從前筆嬾揮深夜呼兒呵凍侍逢人卻

怪索書稀愛臨帖

小小斜川屋幾間如仙眷屬不知寒歌聲忽自蘆中出止當漁

舟泊雪灘善度曲

屈指消寒二集時明湖傳徧種蘅詞坐中何必暖公到多少神

仙會做詩李仲衡工填詞好扶乩

早酒剛來夜兩壺醉餘同牀有鷗鳬誰將獨客荒江景寫入銷

寒雅集圖

登舟

買權翩然不聞程清江回首失王營北人才覺登舟樂我亦心魂見水清北人

漁舟散盡暮江空漸入茫茫夜氣中寒雁幾聲吾未睡霜華來

妬一燈紅

急籌軍餉有釐捐捐到江頭兩丈船屏屢供來真瑣瑣白金一兩四文錢

襪被登舟破曉寒討關猶是翰林官翻書倒硯窮按索不似從前權政寬

名酒傳聞好女兒旅行多媿故人貽孤篷獨酌難成醉細雨空江著簾遲邵又郭潛

江著簾遲

老友相逢鬢盡華石經堂上醉流霞淮安自昔繁科目真箇讀書人幾家淮安丁儉

東洲艸堂詩鈔卷十九

二十三

意外客園握手奇金陵舊益其娛嬉回頭十六年前事問到鍾孫墮地時張容園館於儉鄰家孫及王寅在金陵與蔡友石丈胡竹邨湯茗孫莊鄰園東雪峯楊雅翰汪梅村諸君

之樂

謝公舊堞本無城近日糧臺更置營任是溟濛煙雨夜萬船燈

火照江明

船家生活等家園娶婦生兒又抱孫爲語羣雛且安靜客懷容

易動愁煩

步頭巡喝靜殘更時有跳魚潑刺鳴畱得老人清不寐一船前

後盡軒聲

鍊骨鍾聲得幾何陳陳未免附塗多中州不少英雄氣讓與陰

山勅勒歌詩遺

芝蘭名貴出榛菅野史亭邊琢句慳不解張揚兩詩一一生低

首向道山張揚謂石舟紫泉

猶閱遺山樂府詞試斟老友默溪詩江山幽異非人測何苦窮將劫筆追詩賦

宜興舟中爲朱筱漚題羅介人畫梅

兩峯畫梅吾敬羨介人畫梅今始見氣息居然家法傳縱橫妙有新機擅雪海翻成今古勢冰姿不因紅綠綯造物未肯輕發洩畫工何事勤鋪眩羅家父子括天巧未免按奇逞豪變後漚藏畫如藏姝不肖示客防窺覷逢窗晴日乍噓拂邀我開匣還遲需前輩風流徧題記點墨怕沾冰雪膚梅花合向暖翁笑醉筆居然唐突余

平越峯太守攜具夜過爲題載鶴歸來圖

夜雨論書載酒過止愁墨不受人磨披圖妙接胎仙舞不羨山

東洲艸堂詩鈔卷十九

二十四

陰宛頸驚

朱誦清家小憩卽別

邀客乘舟兩榜聯長安鎮上再來緣醉餘一覺湖山謬屈指奇

游已八年

細雨聲中叩竹扉瑤環瑜珥笑牽衣兩翁試瀹春前茗止少阿

蘭抱甕歸

記讀坡詩埽絲箔今朝獨客聽鐘來止愁雨氣和泉味誤卻先

生辨水才

丁巳除日邵蕙西邀同王安伯方少牧登城隍山一笑

閣看雪閣爲安伯別業

新春來破淡冬寒苦雨漬天無日乾吳門一櫂冒煙水乘興不知將歲闌友于聯牀有至樂同心益替多古歡狂蹤逸思不自

登高去看天地寬嘉招喜遇三子樓頭命酒紛杯盤似雪
非雪雨非雨雲氣一白空漫漫欲尋梅花不得展欲釣鱸魚無
可竿惟餘一醉我為政古懷時感相鬱蟠計別杭州七八載中
閒世事如波瀾邇來消息有轉移幸得湖山仍舊觀除日戀此
緩歸去歲事擾擾難清安蒼茫天外海濤影更待新年一笑看

題瑛禪畫張光圖

海光遙射煉丹臺此日登臨弟四回浩浩江湖歸一覽真疑踏
鶴有仙來

東洲艸堂詩鈔卷十九

二十五

東洲艸堂詩鈔卷二十

道州 何紹基 子貞

題金眉生觀察湖舫延秋圖
客為魏野淡孫子蘇戴醇
士及吾弟子數各攜金石
書畫 戊午

擬望金石滌塵氛乍入汀鷗清鷺羣各有秋懷無可說蒼茫齊
化作煙雲

孤桐為撫絕絃余方訂默
魏子孫郎已渺然子蘇亦
作古人 光渾不覺東風西子二千年

排日句畱湖水濱嬉游多遇少年人勸君脂盞勤調取好繼延
秋晝冶春
余新正巳五
次游湖上

吳門得崇雨舫山東書並詩次韻卻寄

江山清佳隨處有難得次第落吾手語鈴道人官秩尊要說山

東洲艸堂詩鈔卷二十

川讓媛安平生游事雖艸艸止得堂階遺戶牖固然眼福得饒
餘也須腳力勤馳走燕齊吳越一歲周天公餉我亦何厚醉餘
萬畫勝持杯埽徧千詩不須尋清風明月為導引山僧谿僮皆
我友今晨復看可園梅昨宵向醉杭州酒

杭州梅花處處有都疑種自君復手冷香幽意忽齊開欣動湖
頭各詩宴朱莊百樹繞亭沼蘇祠五色絢關牖孤山老鶴招不
來古井潛龍旋轉走人事從來有廢興地氣何曾分薄厚我來
憑弔動悲愴恨不除荒勒秉帚一編淮海疑有靈舉墜重興期

我友湖光山色可憐人十日春陰如中酒
日前買得秦淮海集
少枚胡次瑤飲我於朱莊因屬諸君重修古蹟

兄弟別來七年有感動鬚眉欣捧手聯牀十日又分離白首相
依羨農安
丁巳嘉平廿八日到杭州石
子敬今年正月十一日即別

吳門小住值燈節春波

魚上花繞牖朵雲翩自山東來一諾邀余渡江走雪花飛舞紛
狂紙興逸詞高兼誼厚平生散漫逐飛蓬復矜持如縛帚江
南況是君舊游莫把遲來怨狂友昨宵大醉白公祠今日和詩
聊止酒

趙步宗世丈暨配曲夫人七十有一雙壽詩並敘

咸豐丁巳嘉平月余南游至吳門趙靜山中承館余於
滄浪亭之可園過從諧際猶辛亥壬子間在武昌官寓
時也越明年戊午正月穀日值世丈步宗先生七十有
一覽揆之辰靜山開閣延賓爲先生暨德配曲夫人舉
雙壽之觴夫人與先生同歲生相莊之敬

錫命之榮四世一堂耆齡偕老於八座中尤爲人瑞適余省

弟杭州逾期始返靜山欲得一言補祝余曰古之稱壽

東洲堂詩鈔卷二十

者非必誕日介雅之詞無時不可何云補耶昔聞之靜

山曰吾祖侶曦公以名孝廉老於巖穴躬躬著述外惟

以周卹族鄰爲急吾父承親志義繁仁粟無矜無嗇惟

恐少拂堂上心既補弟子員不復謀進取專督家政排

難解紛鄉里欽服有王彥方之風講求經世之務於武

備地理之學尤爲精賞吾母井臼操作家中衣履多出

手製十指恆皸削後雖貴盛尙劬勞如農家婦蓋大端

可述者如此紹基交游徧天下先文安公門下士魁儒

碩輔森列中外稱極盛而布帛菽粟根底性情闇然不

章澄然不滓罕有如吾靜山者固其得天之厚抑亦世

德清芬有以植之也始服官楚北有趙青天之名

今上御極擢守松江江南觀察常鎮通海六年甫陳蘇臬

命攝巡撫旋即真除悃悃之吏膺茲特達固

天子簡拔之神亦卽先生教忠之效歟連日留飲署齋兩人

相對如鄉塾老儒見其襟被蕭然高衙獨處謂何奈寂

若是則應曰兩親俱年高屢請迎養不見許每家書至

惟諭以時事方殷宜竭力報稱勿以老人爲念雖知兄

弟子姪愈唯滿前簡書之畏望雲之思五中交集何暇

吟燕寢清香乎余不禁停杯感歎謂此孝思之言卽純

臣之志矣因雜述書之並繫一詩爲先生與夫人壽其

詩曰

汾霍孕靈秀弧委垂精神燕喜頌賡魯介眉風潏幽板輿憚行
路庭誥勤書紳謳歌太翁媼感徧吳官民通家連誼雅子舍接

東洲堂詩鈔卷二十

清塵雖遲登堂拜何異奉几親東風爛梅花北斗斟其醇篤哉

德門慶鋪作江南春

潘星齋少宰屬題漸江和上畫卷因其近有桃花句余

甚喜之輒題小句

曉曉玉骨畫禪餘仿佛枯藤勁鐵書誰似小鷗波裏景桃花紅

煞釣人居

題韓履卿所藏蕭梁造像

始興吳平雙壘屬外有井闌鶴銘字校校佛背一尺餘乃得蕭

梁石墨二梁家天子屢捨身檀施忍辱欺臣民當時造像定不

少疊遇火宅成煙塵穹窿之麓太湖洩負土荒山韓孝子精神

所感石佛來蒙被哀憐淚如水亡靈渺渺冥福資幽明理隔半

信疑樸語使人心骨痛報恩須及在生時履卿自題句